



Број/Број:03/11-05-1-50/11  
Сарајево/Sarajevo,11.4.2011.

**IZVJEŠTAJ SA SASTANKA OPĆEG KOMITETA ZA POLITIČKE I UNUTRAŠNJE  
POSLOVE PARLAMENTARNE DIMENZIJE CENTRALNOEVROPSKE  
INICIJATIVE, RIM, 7.4.2011.**

U Rimu je 7. aprila 2011. godine održan sastanak Općeg komiteta za političke i unutrašnje poslove Parlamentarne dimenzije Centralноевропске иницијативе. Na sastanku su učestvovali Lazar Prodanović, poslanik u Predstavničkom domu PSBiH i član Delegacije PSBiH u Parlamentarnoj dimenziji CEI, i Edina Vejzagić, sekretar Delegacije.

Sastankom je predsjedavao Roberto Antonione, predsjedavajući delegacije Italije u PDCEI, a osim njega, u uvodnom dijelu sastanka učesnicima su se obratili i Gianfranco Fini, predsjednik Predstavničkog doma Parlamenta Italije, ambasador Gerhard Pfanzelter, generalni sekretar CEI-ja, Lucio Caracciolo, direktor Italijanske geopolitičke revije, Silvio Fagiolo, profesor međunarodnih odnosa na Univerzitetu LUISS „Guido Carli“, Elisabeta Belloni, direktorica Direkcije za razvojnu saradnju, i Alfredo Mantica, zamjenik državnog sekretara za vanjske poslove Italije.

Sastanak je bio usmjeren na jačanje Centralноевропске иницијативе, kao i na moguće proširenje teritorijalne dimenzije ove organizacije. Učesnici su podržali „Preporuke“ iz Budve (dokument usvojen na sastanku ministara vanjskih poslova zemalja članica CEI-ja u junu 2010. godine) koje pružaju nove instrumente za nove izazove s kojima se suočava CEI, a sve s ciljem političkog, strukturalnog i finansijskog jačanja te veće vidljivosti organizacije. U tom smislu data je podrška uspostavljanju Ureda CEI pri Evropskoj komisiji kao jednom od načina za unapređenje saradnje između CEI-ja i EU, te za učešće CEI-ja u projektima EU, prvenstveno u programima koji se odnose na makroregije. Sama Centralноевропска иницијатива je makroregija koja služi kao veza između EU i zemalja centralne i istočne Evrope. Posebno je potcrtana uloga CEI-ja u povezivanju zemalja istočne i centralne Evrope sa ostatkom Evrope nakon pada Berlinskog zida. Bilo je potrebno provesti teške reforme i prevazići mnoge poteškoće i razlike i upravo je CEI pružila podršku tim zemljama u vrijeme kada je bilo potrebno iskazati solidarnost. Nadalje, kada je riječ o finansijskom jačanju CEI-ja, učesnici sastanka odali su priznanje Italiji kao lideru i glavnom finansireru aktivnosti CEI-ja, posebno u smislu nedavne odluke Italije da ponovno počne finansirati Povjerenički fond CEI-ja u Evropskoj banci za obnovu i razvoj. U isto vrijeme, pozvane su i ostale zemlje članice da daju svoj doprinos finansijskom jačanju CEI-ja. Pitanje vidljivosti Centralноевропске иницијативе jednako je značajno za daljnje jačanje organizacije, pa je u tom smislu naglašena potreba intenziviranja saradnje s drugim regionalnim organizacijama posredstvom razmjene delegacija u posmatračkom statusu. Pozitivnim korakom s ciljem veće

vidljivosti rada CEI-ja ocijenjeno je i uspostavljanje mreže nevladinih organizacija zemalja članica CEI-ja, što je ideja potekla iz BiH.

Težište debate o teritorijalnom proširenju Centralnoevropske inicijative bilo je na mogućem članstvu Ruske Federacije i Turske, ali nisu izneseni detalji njihovog eventualnog statusa (punopravni članovi ili posmatrači). Inicijalno je data podrška ideji teritorijalnog proširenja ove organizacije s ciljem očuvanja duha u kojem je i osnovana, a to je da CEI bude otvorena za sve zemlje koje žele biti dio nje ili koje žele postati članice Evropske unije.

Na kraju sastanka učesnici su usvojili sljedeći završni dokument:

***Sastanak Općeg komiteta za političke i unutrašnje poslove Parlamentarne dimenzije CEI  
Rim, 7. aprila 2011.***

- 1) *Uzimajući u obzir "Preporuke" o jačanju CEI-ja, usvojene u Budvi, 15. juna 2010., na sastanku ministara vanjskih poslova zemalja članica CEI-ja čiji je cilj političko, strukturalno i finansijsko jačanje i vidljivost CEI-ja;*
- 2) *Imajući u vidu da saradnja s Evropskom unijom i njenim institucijama ostaje jedan od glavnih prioriteta CEI-ja i očekujući potpisivanje sporazuma o saradnji između Evropske komisije i Centralnoevropske inicijative;*
- 3) *Smatrajući da aktuelni pristup Evropske unije makroregijama pruža Centralnoevropskoj inicijativi nove mogućnosti kao regionalnoj organizaciji da djeluje kao most između evropskih regija;*
- 4) *Uvjeren da će finansijsko jačanje CEI-ja doprinijeti postizanju njenih političkih ciljeva, te da to za sobom povlači uspostavljanje novih multilateralnih sredstava CEI-ja kod Evropske banke za obnovu i razvoj (EBRD) posvećenih institucionalnoj reformi u zemljama članicama CEI-ja koje nisu članice EU;*
- 5) *Izražavajući priznanje za doprinos Italije Fondu CEI-ja pri Evropskoj banci za obnovu i razvoj*

***POZIVA SRBIJANSKO PREDSDJEDAVANJE PARLAMENTARNOM DIMENZIJOM CEI***

*Da rezultate današnjeg sastanka uvrsti u završni dokument čiji će nacrt biti utvrđen na sastanku Parlamentarnog komiteta, 20. maja 2011., u Beogradu, s posebnim naglaskom na potrebu:*

- *da se upostavi ured pri Evropskoj komisiji kao operativno sjedište i sjedište za kontakt između CEI-ja i EU;*
- *da se pozovu vlade zemalja članica CEI-ja da na sastanku ministara vanjskih poslova koji će biti održan 10. juna u Trstu ispitaju opravdanost poticanja debate o mogućem proširenju teritorijalne dimenzije CEI-ja;*
- *da se implementira član 25(1) Smjernica i Poslovnika CEI-ja organiziranjem sastanka ministara vanjskih poslova Srbije, Crne Gore, Ukrajine i Italije ("Proširena trojka") s predsjedavajućima parlamentarnih delegacija tih zemalja u okviru sastanka ministara vanjskih poslova koji će biti održan u Trstu, 10. juna 2011.*

Pripremila  
Edina Vejzagić  
sekretar Delegacije

Lazar Prodanović  
član Delegacije

Dostaviti:

- Kolegiju Sekretarijata
- a/a